

समे – 12:25 hrs.

<><><><><><>

Parliament Session

संविधान गी अपनाए जाने दी 75मीं बरे गंड दे सरबंघै च कल 26 नवंबर गी इक दिनै दे वक्फे परेंत संसद दी बैठक अज्जै थमां फही लग्गी। अज्ज दो विधेयक पेश करने आस्तै पटल पर रक्खे गेदे न। विपक्ष दे हंगामें दे चलदे लोकसभा दी कारवाई दपैहरी 12 बजे तगर स्थगित करी दिती गई ऐ। राज्यसभा गी कारवाई गी कल तगर स्थित करी दिता गेआ ऐ। एहदे शा पैहले 25 नवंबर गी संसद दे स्याले आहले इजलास दे पैहले ध्याड़े संसद दे साबका सुरगवासी सदस्यें गी श्रद्धांजलि अर्पित कीती गई। बरोधी धड़ें आसेआ बक्ख-बक्ख मामलें पर चर्चा दी मंग गी लेइयै हंगामा कीते जाने पर स्पीकर ओम बिरला होरें दपैहरी 12 बजे तगर सदन गी स्थगित करी दिता। एहदे शा पैहले संसद दी इक सांझी बैठक बी लग्गी। संसद दा स्यालें आहला इजलास 20 दिसंबर गी सम्पन्न होग। 25एं दिनें दे इस इजलास दौरान कुल 16 बिल सदन च पेश कीते जाने न।

<><><><><><>

PM-National Security

प्रधानमंत्री नरेंद्र मोदी होरें मुख्य दी सुरक्षा गी चुनौती देने आहले कुसै बी आतंकवादी संगठन गी मुंहतोड़ जवाब देने दे भारत दे संकल्प पर जोर पाया। प्रधानमंत्री होरें कल संज्ञा सुप्रीम

कोर्ट च संविधान दिवस समारोह कार्यक्रम गी संबोधित कीता। उनें आखेआ जे भारत अज्ज जिसले लोकतंत्र दे इस महत्वपूर्ण पर्व गी मनारदा ऐ, उससै दिन मुम्बई च होए दे आतंकवादी हमले दी बरसी बी ऐ। उनें इस हमले च जान गोआने आहलें गी श्रद्धांजलि दिती। प्रधानमंत्री होरें आखेआ जे संविधान मुखै दी हर आस-तांग ते जरूरत पर खरा उतरेआ ऐ ते नागरिकें आस्तै मार्गदर्शक दा कम्म करदा ऐ। उनें आखेआ जे पिछले 75 बरें च जिसले बी चुनौतियां सामने आइयां न, संविधान नै उंदे हल आस्तै सेई रस्ता दस्सेआ ऐ। प्रधानमंत्री होरें आखेआ जे पैहली बारी जम्मू-कश्मीर च संविधान दिवस मनाया गेआ। उनें आखेआ जे मुख्य बदलाव दे इक महत्वपूर्ण दौर थ्वां लंघा रदा ऐ ते भारत दा संविधान असेंगी अगगे बढने लेई रस्ता दस्सने दा कम्म करा रदा ऐ।

<><><><><><>

JK-Online RTI Portal

जम्मू-कश्मीर सरकारै सूचना दे अधिकार यानि आर.टी.आई आहला इक ऑनलाइन पोर्टल शुरू करने दा ऐलान कीता ऐ जिसी एन.आई.सी आसेआ विकसित कीता जा'रदा ऐ। आकाशवाणी जम्मू संवाददाता दी रिपोर्ट मूजब rtionline.jk.gov.in आहले इस नमें मंच कन्नै प्रदेश च आर.टी.आई दी प्रक्रिया मती चुस्त-दुरुस्त बनोग। एहदे राहें लोक ऑनलाइन आर.टी.आई दी अर्जी देई सकने दे कन्नो-कन्नी औहदे पर होई दी कार्रवाई ते औहदी ताजा स्थिति बी दिक्खी सकडन। पारदर्शिता ते जोआबदेही बढाने आहली एह पैहलकदमी मेद ऐ जे औंदी 10 दिसंबर शा पूरी चाल्ती शुरू होई जाग। एहदे बवस्थित अमल-आवरी लेई नोडल अफसर नियुक्त कीते

गेदे न। इस गेंह कन्नै आर.टी.आई आवेदन पर सखल्ले कार्रवाई यकीनी बनोग ते लोकें गी सरकार दफ्तरें दे चक्कर नेई कट्टने पौडन।

<><><><><><>

Jammu NSG Hub

केंद्रीय गृह मंत्रालय नै कुसै बी बड़्डे आतंकवादी हमले दा मुकाबला करने आस्तै जम्मू शैहरै च स्थायी तौर पर राष्ट्रीय सुरक्षा गार्ड एनएसजी दा इक केंद्र बनाया ऐ। आकाशवाणी जम्मू संवाददाता दी रिपोर्ट मूजब मंदरें दे शैहर च एह केन्द्र कायम कीता गेआ ऐ। तां जे कुसे बी आतंकवादी बारदात दे चलदे फौरी तौर पर कार्रवाई कीती जाई सकै। एह केन्द्र हाल च होए दे आतंकवादी हमले दे मुद्देनजर कायम कीता गेआ ऐ। सुरक्षा सरबन्धी तौर तरीके गी अपनाए जाने मगरा ते सुरक्षा सरबन्धी जायजे मगरा शैहर ते इसदे बाहरी इलाकें च ऊच्चिएं इमारतें, सुरक्षा इदारें ते संवेदनशील थाहरें आस्ते इक सुरक्षा योजना तैयार कीती गई ऐ।

<><><><><><>

JK OWG Arrest

पुलसै जैश-ए-मोहम्मद ते लश्करे-तैयबा जनेय आतंकवादी गुटें खलाफ बड़्डी कार्रवाई करदे होई जम्मू संभाग दे राजौरी, पुंछ, किश्तवाड़ ते उधमपुर जिलें च 56 थाहें पर छापे मारे न। आकाशवाणी जम्मू संवाददाता दी रिपोर्ट मूजब इस बड़्डी कार्रवाई दे चलदे आतंकवादिएं लेई कम्म करने आले कई ओवर ग्राउंड वर्करें ते संदिग्धें गी गिरफ्तार कीता गेआ। एहदे अलावा केई सारे इलैक्ट्रानिक उपकरण, दस्तावेज, नगदी, थेआर ते असलाह बी बरामद कीता गेआ।

पुलसै दे जम्मू जोन दे ए.डी.जी.पी आनंद जैन होरें आखेआ ऐ जे छापेमारी दरान बरामद कीते गेदे समेयान ते जानकारीएं दी बिनाह उप्पर जांच अगगे बी जारी रक्खी जाग। जैन होरें लोकें गी गुजारश कीती जे ओह् अपने इलाकें च कुसै बी संदिग्ध नक्लो-हरकत दे बारै च जानकारी सुरक्षाबलें कन्नै सांझी करन ते आतंकवाद खलाफ सांझे जत्नैं गी होर बल देन। उन्नै जोर देइयै आखेआ जे पुलस आतंकवादी ढांचें गी तबाह करने लेई अगगे बी इस किस्मै दे अभियान चलांदी रौहग।

<><><><><><>

IFFI

55में भारतीय अंतरराष्ट्रीय फिल्म महोत्सव दा अज्ज खीरी ध्याड़ा ऐ। महोत्सव अज्ज तपन सिन्हा दी फिल्म हारमोनियम समेत लगभग 70 फिल्मां दस्सियां जांगन। फिल्मोत्सव दे खीरी सत्र च तपन सिन्हा हुंदी फिल्मोग्राफी, कथावाचन दे विशेष अंदाज ते भारतीय सिनेमा च उंदे योगदान पर चर्चा कीती जाग। अर्जुन चक्रवर्ती, एन. मनु चक्रवर्ती ते मन्नी-परमन्नी दी अदाकारा शर्मिला टैगोर इस परिचर्चा च शामिल होडन। इस सत्र दा विषेसार ऐ Spectrum and the soul.. इस बरे फिल्म महोत्सव च भारतीय सिनेमा दिएं चार हस्तिएं राज कपूर, मोहम्मद रफी, तपन सिन्हा ते अक्किनेनी नागेश्वर राव हुंदी जनम शताब्दी मनाई जा'रदी ऐ।

<><><><><><>

MET-JK Weather

मौसम विभाग नै इस म्हीने दे अखीरै च 3 दिनें दौरान बरखा ते बर्फबारी होने दी पेशगोई कीती ऐ। आकाशवाणी जम्मू संवाददाता दी रिपोर्ट मूजब मौसम 29 नवंबर तगर खुश्क रौहग ते 30 नवंबर संझा मगरा उच्चियें धारें ते किश थाहरें पर हल्की बरखा ते बर्फबारी होई सकदी ऐ। पैहली ते 2 दिसंबर गी बी हल्की बरखा ते बर्फबारी होई सकदी ऐ। औहदे मगरा 6 दिसंबर तगर मौसम खुश्क रौहग। कश्मीर घाटी च ठंड़ दा प्रकोप जारी ऐ। श्रीनगर ते कोकरनाग च तापमान जमाई देने आहला बने दा ऐ। गुलमर्ग ते पहलगाम सब्बनैं थ्वां मती ठंडी थाह रेय।

<><><><><><>